



國憲家猷卷之九

東吳王可大元簡甫集著

憲典九

葉居升云 朝廷取天下之士網羅摭摭務無遺逸有司催逼上道如捕重囚比到京師而除官多以貌選故所學或非其所聞而其所用或非其所學泊乎居官舉動一跌于法苟免誅戮則必屯田工役之科所謂取之盡錙銖用之如泥沙率是爲常少不顧惜然此亦豈人主樂

爲之事哉

科道官必博選內外郎官中忠直公正明識治體者改爲之三年內考其敢言忠諫有益舉刺得宜及巡按在外激揚興革有益地方者留以久任超擢卿佐如 祖宗朝故事其雖敢言而言或不切於事體或過於激烈易至觸忤者則遷改內外相應職事以保全之仍記其忠直覈其後效而量加超擢其或當言不言或挾私妄奏及巡按不職者明奏降黜

吏部精選各處撫巡并布政使長官都察院精選各處巡按御史責令訪察各道司府州縣正佐官到任一年或二年之後其司府佐貳有堪任知府者府州佐貳有堪任知州者州縣佐貳有堪任知縣者各具名實 奏行吏部酌量遷改其見任知府知州知縣才力不堪供職心志不專爲民者各照品級相近改調各衙門佐貳首領及鹽運提舉等衙門官吏部都察院則專考撫巡藩臬之採訪不公及無所減否者而

奏黜之更乞今後百官陞授畧倣李唐均調內外不歷刺史不得任侍郎列卿不歷縣令不得任臺郎給舍之制進士出身不得徑選科道部屬舉人出身不得徑選同知知州京官外補不得徑陞叅政副使而惟推訪知府知州知縣之久任卓異者迺遷之

春爲知府或僉事於南秋陞副使或叅議於北春則又陞叅政或副使於東西矣甚者初陞右布政使憚遠不行在家稍_二三月即改左而

之近矣到任未及三二月且_且草輦而京堂矣由是一歲之間往來道路如織月日過半其能在任幾何至於進士爲知縣者亦惟持守三年有薦即取事在承上而不在恤下也故今藩臬守令皆過客也其視地方凋弊若見驛舍之損漏誰爲之修也視生民之飢困若見驛馬之疲瘠誰爲之恤也舊時責以興水利勸農積穀備荒至凡覈戶口均賦役除盜賊抑豪強等事皆不屑爲也乃惟巡按批問狀詞或委勘事情則稟

其意而亟爲之虛實輕重視彼所欲聞而報上耳誣罔固不恤也往時巡按秉權太重行事太過先廟考定憲綱一書以爲矜式其與三司知府等官相見各有定禮其職任事務各有定款今則藩臬守令皆不得專行其職而事皆稟命矣甚而巡撫固位者亦不得專行一事而承望風旨於巡按矣相見之際知府以下長跪不起布政以下列坐隨行答應之際俯首至膝名曰拱手而實屈伏如拜跪至於審判議事考覈

官吏之際與奪輕重惟巡按一言而藩臬唯唯承命不得稍致商確一有剛正不阿可否其間或專行一事者豈惟巡按惡之衆皆疾之或陰註以數字之考語或明摘其一事之過失而劾之退矣由是布政以下皆以作揖爲名曰候於御史之門而無暇各行其政公文往來皆必親遞而布政使方岳之重按察使外臺之長乃躬任舖司兵之役而不耻矣彼爲布政者則曰我姑卑巽數月則有京堂之陞既爲御史巡撫則

又曰我姑謙遜數年又部堂之擢不然則劾隨之能得此乎由是內外大小官負皆以持循保位爲賢而慷慨任事者爲不謹忠正之人因是而黜者多矣孰肯體國憂民而爲之興利備患耶

今使大臣中即有如富弼之賢者委金萬鎰使馳往地方賑救欲發倉廩則倉廩素空也欲買糧食則米穀絕無也欲勸大戶則大戶自不給也欲知飢民實數則守令素不究知也欲委官

則無實心行事者而或差占亦巡按則不敢承命也

京官雖有保陞知府之例而所保悉多循資之人外官雖有取選御史之道而所取或遺方正之士權奸避事者得以避怨而早陞忠勤任事者亦以任怨而早黜故今士初入仕途即有夤緣求得美選之心既得美除即爲持循保守祿位之計近年進士之輪選者聞有南京之缺而即避侍郎該陞者遇有京堂之缺而即爭平時

既皆趨利避害臨難豈有捐軀報國之志

提督巡撫假以陳金彭澤之權使其統御將帥
調度兵食激揚清濁易置官吏興革利弊皆得
便宜

古者刺史入爲三公郎官出宰百里唐宋所取
狀元進士皆先試歷民事而後召試館職或令
再試他官而後擢居臺諫蓋以臺諫翰林上寄
朝廷耳目之司下儲公卿宰輔之望不敢輕試
以新進之士也

母夔壬申改南京禮部奉使雲南考察官吏

朝覲考黜官不許奏覆雖有重禁然前嘉靖二
年五年二次考察吏部上遵 內閣分付下畏
科道彈劾多將剛正有爲不肯逢迎交結之人
黜退致今人才缺乏令無不爲常例此等官并
內外一應養病休致等官責令大臣科道保舉
堪用者一體起用後有不稱連坐舉主

布政任久該陞者宜比照天順年間徑陞尚書
事例上者徑陞各部侍郎并大理寺卿都察院

國朝家範 九卷 六 蘇立
坐堂副都御史次者陞太常太僕光祿寺卿不
必再推巡撫致難久任

若地方不宜或有嫌隙當避非真才力不及者
則止稱才性不宜明白改調

各處分巡僉事宜令三年專管一道凡任內刑
獄盜賊水利屯糧及奸貪好惡害民等事皆責
之管理其無兵備官處操練巡捕清軍等事亦
責之提督三年滿日考此數事實能行否以為
殿最三年未滿並不許其營幹別差聽令改道

以致避難誤事

布按二司官如叅議陞叅政陞布政使又
如僉事陞副使副使陞按察使及因才性所宜
二司更互改陞者皆只於本處衙門遷轉不宜
南北交遷使其終歲往來道途地方缺官誤事
內惟叅議僉事有缺纔將京職并在外應陞官
員內銓補

凡尚書侍郎都御史府尹翰林科道布政使按
察使兵備提學知府以上各項要緊官俱責到

任一月後各舉一人自代吏部擇其舉多者擬
奏陞擢庶多得人

內外臣僚皆以因循保守爲賢其有盡忠爲
國擔當幹事不避流俗者 朝士則衆怒群猜
不能存立在外司府寺官亦多被衆忌流詢考
劾因而誤黜以此盡沮忠義之氣

翰林春坊詹事府寺官以備顧問侍講讀草制
誥修史牒最是清要之職唐宋以外多重此官
以備卿輔之選然多選外官才學過人者試任

雖取中狀元亦令試歷民事方纔取入翰林我
國初多用徵聘隱逸之士永樂宣德正統以來
如楊士奇張洪由王府審理教授黃淮劉鉉張
益由中書舍人鄒濟陳仲完由教職儲懋王洪
陳山由給事劉球李時勉陳敬宗由主事胡儼
由知縣蔣驥由行人于敬由御史各陞翰林春
坊詹事寺職又如張英由教職薦陞給事中復
進中允郭璉由叅政李賢由主事薛瑄由御史
皆歷陞侍郎尚書兼詹事學士又如張顯宗由

翰林歷陞祭酒出為布政郭濟歷任春坊復陞知府王詢由檢討陞大理寺丞巡撫貴州歐陽謙由御史改編修復陞郎中徐旭由御史陞郎中祭酒復改修撰羅汝敬由侍講改御史是皆惟才所宜不拘內外出入所以得人

祖宗朝如王翱由寺正甄庸由知府左選陳祚由叅議康慶由州知皆復陞御史虞祥王鐸年富由教職冀凱由州判官皆陞給事中又如丁璿由主事馬守中由同知俱陞御史徐旭由御史

陞郎中復改翰林歐陽謙由御史入翰林復陞郎中是皆唯才所宜不限資格所以得人而又拔其尤者超擢侍郎僉都御史寺官所以肯盡其職且又不時考察使偏私浮偽者不得混于其中

太宗文皇帝簡任內閣儒臣日與咨訪政治然彼時內閣多是朝廷親選翰林編修寺官才猷歷練能識人才治體公忠體國者為之不魯驟加高品至於選入翰林者又皆唯才是取

不拘內外新舊職事迨我 仁宗 宣宗朝間亦選委六部尚書如夏原吉等商量條旨彼時絕無偏重之勢兼且以前大臣多是 祖宗親自下僚識拔不論資格蓋由日嘗面試知得明白所以如此一一得人及後 英宗再登寶位凡選用卿佐重臣必召吏部尚書王翱與大學士李賢面議可否彼時或用二臣所荐或由聖意自定皆稱得人廷無間議 憲宗以來始不召大臣面議止令吏部會推才望相應者二

三員疏名請 旨點用一員此又上合虞舜命官必資四岳詢謀僉同之意也予猶記弘治七年間內閣員缺吏部會推相應六員上請 孝宗點用位次最下者二員曰李東陽曰謝遷都只是詹事管事不曾驟用崇職不知自何年起內閣自加隆重凡職位在先第一人群臣尊仰稱為首相其第二人以下多其薦引隨事附和不敢異同近又另立掌 誥勅一員多自尚書侍郎翰林出身者不由衆推首相坐名題本取

用後有內閣員缺即令推補又不知是何年間
曾否奏 准限定翰林院官必是進士第一甲
及庶吉士原係內閣取中教養之人爲其門生
者方得選用吏部不得擬其陞黜亦不許擅陞
外職使之歷練民事稍涉辛苦又占定禮部尚
書侍郎職事優閒者俱是翰林院官做吏部緊
要衙門必用翰林一人其餘內外官員雖有文
學才猷出衆者不許再用如 祖宗朝選入翰
林大臣非翰林出身者不許推入內閣是皆私

訛相傳謬稱 舊制以欺後進以箝衆口下視
六卿等官勢分懸絕其屬吏不敢違抗使後者
未遇感前人之接引前者既老責後人之報施
而凡身後贈謚蔭子等事不論忠邪一皆預爲
已地而盡力爲之至於纂修書史亦必私其黨
類而善惡例置褒貶任已以是不如 祖宗朝
選取外官同修此則自古所無之大弊也近聞
吏兵二部選用緊要官職及會推大臣必先問
首相所欲而後敢擬名奏上法官出外勘事者

亦必承其意旨而不問虛實任情勘報由是威
福予奪盡歸于此一官矣使得其人皆如先朝
楊士奇楊榮楊溥及今石琯之忠清楊一清之
才識可也不幸而有奸險媚嫉者濫居其上則
其排斥忠賢引用兇邪國事日有可憂矣 朝
廷試省往年禮部尚書員缺吏部會推賈誅為
首 朝廷親用席書為之侍郎資格不異也席
書陞禮部舉朝士夫皆以為非而攻擊不已賈
誅一時雖未黜陞數月以後首相坐名取掌

誅初遂入

內閣位居尚書上安然坐受舉朝

略無異議今此二臣日侍左右而何用於 朝
廷者如此不服用於首相者如彼帖然人心所
向如此今 朝廷採諸輿論自 宸衷慨然召
用楊一清勉畱石琯舉朝欣躍方謂 朝廷知
人善任輔弼得人天下之福而言者多方計沮
欲以久畱一清于邊且不欲群臣早推應代一
清之人意有所向也群臣奉 旨另推見任兩
員寧受稽違之責而不敢少拂當道之意即日

推進者勢有所畏也

內閣三員或四五員舊當寅亮輔弼之任今又總裁六部而議其進黜職任至重有缺宜當斟酌先朝李賢等事例於六部尚書左右都御史中取其才望出衆練達事體公忠體國知人有容者推補

知府知州知縣三等親民之官使非其人則上司雖有好官行得好事不能實到百姓所以自古國家慎重此職漢制郎官出宰百里郡守入爲

三公唐制不歷刺史不得任侍郎列卿不歷縣令不得任臺郎給舍我國初取中進士俱選縣官徵至賢才多選守令正統以來知府俱責大臣保舉知州知縣另委吏部揀選所以得人又立為定制知府知州見上司不行跪禮以重其職其久任卓異者不次超擢如何文淵由知府陞侍郎胡儼由知縣陞檢討所以人多樂爲此官弘治初年又責其備荒積穀多少以爲殿最所以民受實惠固得邦本如此久長正德以

後輕選驟陞下馬者惟圖取覓得錢以防速退
上馬者惟事奉承取名以求早陞皆不肯盡心
民事以致民窮財盡一遇凶荒多致餓死今宜
遵復先朝舊規知府令在京堂宦於京官七品
以上在外在閑五品以上官內保舉在外撫按
及布按二司掌印官于叅議僉事同知知州內
保舉其知州知縣俱聽吏部預行揀選仍責撫
巡布按二司於府通判推官州同知知縣內保
舉堪任知州之人州判官縣丞主簿儒學教職

司府衛首領官內保舉堪任知縣之人俱必其
有愛民之誠有守已之操有處事之才三者俱
備而後可任此職後有不稱舉主連坐誤舉者
先能自首則免到任之後察其奉公守廉而不
盡心民事才力不稱者改任品級相應職事貪
酷罷軟者即時罷黜其稱職者留以久任知府
九年以上者即陞四品京堂即布按二司長官
次者照常陞叅政副使等職知州九年以上者
即陞叅議知府郎中僉事次者照常陞貢外府

同知運同寺官知縣上者三年行取到京考其文學德行出衆者選入翰林忠直剛正識治體者選爲科道才識明敏者分任部寺屬官其有深得民心願留久任者超擢府州正職次者九年六年照常遷轉如此選任方得民受實惠地方雖遇兇荒盜賊可保無虞矣

弘治以前事例僉事徑陞副使副使徑陞按察使按察使徑陞左布政使叅議徑陞叅政叅政徑陞右布政使不如今逐級挨陞南北遠調以致往來不常虛曠歲月地方常致缺官誤事其四川雲南貴州廣西負缺宜于附近地方資淺人員內比常早陞以酬其勞遠

正統初三楊在內閣楊士竒雖備而少私能持公論楊榮寬卹休息小民如兵部尚書王驥始建議欲差御史巡行天下清勾軍丁屢止之驥後力奏不巳乃從之

洪武永樂間文武大臣未有師保之加如魏國公徐達誠意伯劉基皆無加秩 仁宗登極始

加英國公張輔為太師楊士奇陞少保進少傅
楊榮陞太子少傅進少保後三楊皆進少師楊
士奇楊榮先卒皆進太師楊溥正統十一年卒
王振不與贈及蹇義夏元吉黃福等加師保皆
在永樂之後也景泰間易太子文武大臣皆加
保傅之官惟于謙加少保有安攘功無愧其餘
皆濫加也天順初恣輩罷保傅官天順五年曹
欽反吳瑾寇深殺死李賢被傷獨加太子少保
至憲宗登極始加少保吏部尚書王翱始加
太子太保其後有以考滿加秩者或以功加者
矣

永樂初雖建內閣皆翰林官居之楊士奇楊
榮在閣二十年終永樂之世不過學士五品拘
於官制不可踰也仁宗嗣位以三楊東宮舊
臣持加超擢士奇初陞禮部侍郎後至少傅榮
溥皆初陞太常卿後至尚書士奇兼華蓋殿
大學士榮兼謹身殿大學士蓋踰常格非可
以為例也楊溥仍兼翰林學士終身榮正統五

年卒士奇正統八年卒溥正統十一年卒曹鼎
以修撰爲楊士奇所薦入閣沒於土木之難景
泰間易東宮陳循在閣草詔有曰天生蒸民作
之君父有天下傳之子蕭鎡爲太子少師兼戶
部尚書翰林院學士商輅爲兵部左侍郎兼翰
林院學士俱在閣雖不宜妄比三楊之例加至
少保尚書而兼翰林院學士者三人商輅猶以
侍郎在閣天順初李順始以兵部侍郎陞吏部
尚書兼翰林院學士入閣薛瑄由大理卿陞禮

部右侍郎兼翰林院學士入閣成化弘治以來
多由尚書侍郎入閣若先以陞尚書則曰不得
入閣矣正德初劉瑾用事吏部尚書焦芳交結
劉瑾取入內閣楊廷和由南京戶部尚書取入
內閣自是遂以尚書爲入閣階梯矣

皇明內閣秉衡鈞言郤堂堂已十人東里士奇後

來名尹直南臯蕭鈞先進是陳循定之安簡胡光

大純道彭華解縉紳千載貞元嘉會合 天教

諸老佐昌辰

開國分曹設六卿吏工戶禮及兵刑周忱王直
連王槩蕭昺蕭禎并廣衡更有二劉宣聯八坐
歷遷三部是維積滿朝金紫皆時傑盡是廬陵

九邑人 右九尚書

天開文運盛廬陵累占鰲頭已十人胡廣時中
兼子啓彭時劉儼與羅倫後來彭教同曾彥前
有陳循并鶴齡何事三元爭世子斯文顛望在
明春 右十狀元

李文達初薦布政陸瑜為刑部尚書石亨以私

譖之久不

召對衆為公危及瑜至當擬旨到任同事者謂
且擬侍郎公曰吾以尚書薦而改擬則自慙不
信矣竟擬尚書從之後瑜頗稱旨乃復召對如
舊

翰林院之職清高固可喜而淹滯亦可嘆譬若
金水河中魚化龍之時未可必其有網罟之患
則可必其無至喻以華表柱上鶴而水食不方
便今則不可勝食矣

文淵閣本翰林院內署非衙門名故凡朝廷之宣召諸司之文移雖事關機務亦止稱翰林院或稱會同翰林院堂上官初不以內閣名比年以來則直稱會同內閣大臣而翰林堂上官不道及矣後進朝紳之不習事體大率類是翰林院外署本鴻臚寺舊址建於正統七年印則造於六年

四夷館本屬翰林院提督每月朔掌印學士僉押公會簿送館自提調教師以下皆日畫卯酉

月終送院稽考故凡考譯字官并子弟吏禮二部移文會同本院學士無不與焉成化乙丑禮部偶失掌院事者怒不之與至今文移徒屬學士而會考則一歸於閣老矣

我朝凡印章每字篆疊皆九畫此正乾元九之義

嘗聞舊傳云正統景泰間會議五府六部都察院大理寺通政司之外有閣老及掌科無掌道官今有十三道而閣老不與聞始自李文達公

國朝家範 九卷 十一
上請而然各道與事不知始何時景泰間各邊
鎮守巡撫官會本奏議事及兵部覆奏皆以總
兵官為首今皆首內臣天順以前公侯伯都督
官管者止稱坐營官總兵之名乃下人私相稱
謂移文中無之其以總兵自稱則近年始及內
官汪直用事時邊方事皆令兵部與總兵官計
議則總兵之稱又出自御筆矣蓋內閣大臣
非直養望而已

金文靖廬陵鮮山大紳胡光大永嘉黃宗豫南昌

胡若思建安楊勉仁公與士奇也數月皆陞官
公為侍講授承德郎仁宗皇帝在東宮時翰
林春坊司經局之官日講經史公專說春秋敷
析簡明睿旨稱善遂命纂十二公事作春秋要
旨三卷以進永樂五年陞右春坊右諭德仍兼
侍讀授奉直大夫

洪武中大臣為三公者皆開國功臣三孤亦無
備員如劉伯溫汪廣洋寧封伯爵而不以公加
之真慎重可知矣永樂中惟姚廣孝為少師洪

熙宣德間大臣為三孤者亦不過蹇忠定公義
夏忠靖公原吉黃忠襄公福黃文簡公淮數人
而已正統中為三孤者內閣三楊公而已至景
泰中有以少傅兼太子少師以少保兼太子太
傅以太子太保兼尚書都御史以太子少師少
傅少保兼侍郎副都御史大理卿通政使又有
尚書侍郎兼詹事府詹事寺官公孤師少在朝
不下二三十員內尚書每部二員侍郎每部三
四員都御史員數又有其焉

宣德四年正月十有五日少師吏部尚書蹇公
薨于位先四日以疾聞 上遣大監范弘以醫
來視 賜鈔萬緡明日范大監以眾醫偕來又
明日疾革范復來問所欲言對曰 陛下初嗣
太寶義獨寡昧不能效分寸裨益然區區犬馬
之誠所望於 聖明者惟敬守洪武成憲始終
不渝耳言已而絕計聞 上深悼歎屬時國有
大事悉停諸祀特賜鈔萬緡

春坊官必湏兼翰林院職方得與纂修之事者

况永樂間胡廣所兼不過左春坊大學士則是時殿閣大學士不設已久矣今雖尚書在內閣辦事六部請勅手本只云合用手本前去翰林寫勅施行則舊意猶存可改也終永樂之世二楊官止五品

天順以前方面布政司按察司官及知府皆由吏部查各衙門官歷俸淺深奏請銓除奏內云查得某官歷任年深相應陞除某官而已宣德間三楊用事 勅方面風憲郡守令在京三品

以上官舉保天下要職吏部不得除皆出三楊之門後亦革去不用天順末李賢始令吏部方面官有缺推舉二人請 旨簡用至今為例

行人司行人初置三百六十員今存三十六員蓋國初諸司官不差出凡有事率差行人永樂中減行人員數諸司公務差本衙官出辦行人非冊封 親王使外國賫捧詔書之類不差然當時進士除行人者九年方得陞六品官人多不樂今九年得陞員外郎三年得選任御史

今改行省為布政司而移文奏章尚有稱省者
今之提刑按察司即元之肅政廉訪司俗稱按察
使為廉使

宋公英舉正統乙丑進士授監察御史承勅
巡按閩浙州縣安變弭亂不惑衆議遷廣東叅
議定均徭法限以十歲一役九休民至今便之

自來陞用六部堂上官不拘出身何衙門如天
順間以布政蕭昺為禮部尚書初無禮部必用
翰林出身人之例又如楊士奇以儒士由齊府

審理副胡儼由知縣李賢由吏部主事薛瑄由
御史皆得入閣亦無內閣必翰林出身之拘成
化弘治以來南北吏部每部必須用翰林一人
南北禮部非翰林出身者不得陞入由是翰林
人多陞顯要而科道部屬雖有奇才異能不能
齊驅並駕矣

焦芳楊廷和皆瑾引用而東陽坐保富貴一任
瑾所為

主事閩人馬君思聰瑞州知府湖廣宋君以方

皆歿于寧賊之亂

翰林院尚寶司六科官在前常朝俱在奉天門上御座左右侍立故云近侍今在門下御道左右云是 太宗晚年有疾用女官扶持上下因退避居下今遂為定位六科本與尚寶司相隣今工部委官製衣處猶稱六科廊是也永樂間失火遷出午門外今遂為定居

王翺第五 太宗見翺名喜北京初啓會闈而首得一畿甸士遂以布衣召見賜酒飯后翺至宮保太宰壽祿名位非常可及

律凡京官在外五品以上官有犯奏 聞請

旨不許擅問今刑部都察院於京官五品以下提問南京都察院亦然刑部則又具奏

我朝佐命元勳每由薦舉辟召如宋濂劉基章溢葉琛則胡大海所薦王禕王天錫則李文忠所薦其餘自薦舉而至者不可枚舉正統景泰間法猶如故楊文貞以白衣薦舉歷編修而入內閣吳思菴以薦舉歷御史以至都憲况鍾以

吏才薦舉仕至蘓州知府並為一時名自後進士科重荐舉漸湮天順初吳康齋一荐遂為朝陽鳴鳳至今絕響矣

景陵懷金錢至史館撒之於地令諸臣拾取時勉獨正立乃呼至前賜以袖中金錢

景泰五年御史鍾同郎中張禴合奏復正東宮下獄時兵部進士楊集以書上于謙略曰奸人黃瑤進易儲之說以迎合上意本為免死之計耳公等國家柱石乃戀宮僚之賞而略不思

所以善後乎脫二人死杖下而公坐享高崇奈清議何謙以書示黃文文曰書生不知朝廷法度然有膽氣當進一級處之遂出知安州集常熟人字浩然我朝進士選知州始此易太子錮南城非少保而何

程篁墩作于肅愍旌功錄叙有曰當景帝之不豫也公與廷臣上疏請復憲廟于東宮期必得請乃已疏再上至闕門而石亨等以是夕奉迎英廟于南宮復位改元用大學士徐有

貞策即誣公等以大逆下之獄給事中王鎮等
爲之 廷劾至言臣等與于某誓不同朝左都
御史蕭維禎等爲之 廷鞠則謂于某等意欲
迎立外藩以危宗社奏上 英廟持之而有貞
進曰若非此今日之事爲無名由是議決

舊制無巡撫侍郎等官宣德中吏部止有蹇尚
書左右侍郎久缺后蹇奏保文選鄭郎中陞右
侍郎時本部趙郎中新事蹇媚且久因缺望自言
于蹇曰鄭誠做得趙新如何做不得蹇欲奏難
于衆論久之假以巡撫各處爲名保陞十二人
爲侍郎趙得列巡撫江西此巡撫之名自趙新
始而蹇公之心實欺君矣

總督二字蓋自宣德中巡撫總督稅糧始也
御史知縣許在京三品以上官舉保由是天下
要職吏部不得除已而奔競之風大作以賍露
者甚衆尋有以弊言者遂罷御史知縣保舉之
例郡守以上仍舊出于三楊之門皆由其操去
取之權也

丘濬徐溥在內閣濬博學而不能約持公而失於偏嘗言王恕雖好官但好名大甚弘治癸丑春朝覲考覈天下諸司吏部以黜陟聞濬擬旨皆用所集大學衍義補中語有曰人才難得事貴得實人貴改過畱用數人衆多咲之溥論有所異同濬輒怒捽冠於案執愈堅未久卒

本朝百八十年爲龍首者六十矣而入閣者止胡文穆廣曹文忠鶴陳芳淵循商文毅輅彭文憲謝木齋遷費鵠湖宏顧味齋鼎臣八人而已

可以為難矣較宋人咏曰 聖朝龍首四十二身到黃扉止六人則又過矣

叅贊軍務等名始於洪熙初元以武踈於文墨選任方面官於各總兵官處整理文書商確机密遂用以叅贊叅謀軍務總督邊儲如大同則今戶部尚書致仕丹陽沈固宣府永寧伯處則戶部侍郎崑山劉璉山東遂安伯處則福建布政會稽周頤廣西則副使劉紹人稱劉司馬也固璉則叅政頤則叅議皆山東布政司固璉初

國朝典義卷之九
二十七
滿九年陞俸二級再滿考轉京職協贊又其後
所稱至提督重矣若靖遠之總督文臣軍旅之
權重矣天順一切革去都御史白圭在湖廣摘
勅中語署贊理軍務辛巳 勅盛協同征夷將
軍總兵官都督僉事顏彪贊理戎務同時數
勅皆云然惟顏彪一 勅內云軍務
鮑叅政曰今欲平治先三要內閣掌印一要吏
部尚書一要左都御史一要
太師太傅太保為三公少師少傅少保為三孤

自周以來不設專官為大臣兼秩俱文階之極
也本朝自 高皇帝革丞相陞六部為正二品
故職官以尚書為極三公秩正一品三孤秩從
一品俱為大臣加官然三公惟公侯伯才望顯
著統兵掌府者乃得遞次加之文官內閣大學
士及六部尚書其加秩則周流三孤止於少師
而已歿則方以三公為贈官天下政權皆出文臣
右文而左武自然之勢也故 朝廷法不得不
借加秩以低昂之此祖宗之深意也三公以太

師為極自開國迄于今文臣贈太師者尚書三人蹇忠定公義儀忠襄公銘王端毅公恕內閣大學士十二人楊文貞公士奇楊文敏公榮楊文定公溥李文達公賢萬文康公安劉文穆公吉彭文憲公時徐文靖公溥李文正公東陽劉文靖公健梁文康公儲張文忠公孚敬共十二人餘贈太傅太保不能勝紀

解縉曰陛下好觀說苑韻府雜書與道德心經臣竊謂甚非所宜也說苑出于劉向向之學不

純溺于妄誕所取不經且多戰國縱橫之論壞人心術莫此為甚韻府出元之陰氏鄙猥細儒學孤識陋蠅集一時兔園寒士抄緝穢蕪略無可采 陛下若喜其便於檢閱則願集一二志士儒英臣請得執筆而隨其後上泝唐虞夏商周孔之華與下及閔闞濂洛之佳葩根實精明隨事類別以備勸戒勤成一經上接經史豈非太平制作之一端也今又六經殘闕而禮記出于漢儒蠹駁尤甚宜及時刪改日御經筵訪求

審樂之儒大猷首王之典作樂書一經以惠萬世以承唐虞尊祀伏羲神農黃帝堯舜禹湯文武臯陶伊尹太公周公稷契夷伊傳說箕子於太學而孔子則自天子達于庶人通祀以為先師而以顏曾子思孟子配自閔子以下各祭于其鄉而魯之闕里仍建叔梁紇廟贈以王爵而以顏路曾皙孔鯉配一洗歷代之因仍肇起天朝之文獻豈不盛哉若夫配天宜復掃地之規尊祖宜備七廟之制奉天不宜為筵宴之所

文淵未備夫館閣之隆太常非俗樂之可肄官妓非人道之所為禁絕娼優俾於變之民不遷于淫巧易制寺闈尊天子之貴不近于刑人執戟 陛墀皆為吉士虎賁趣馬悉用俊良雖門戶掃除之役舍公卿子弟之賢任諸侯王於衆職定久任法而加封待臣子於一體示天下之為公除山澤之禁稅蠲務鎮之征商木輅朴居而土木之工勿起佈墾荒田而四夷之地勿貪釋老之壯者驅之俾復於人倫經呪之妄者

火之俾絕其欺誑斷瑜珈之教禁符式之科絕
鬼巫破淫祀省冗官減細縣痛懲法外之威刑
永革京城之工役流十年而聽復杖八十以無
加婦女非帷簿不修毋令逮繫大臣有過惡當
誅不宜加辱治曆明時授民作事但伸播植之
宜何用建除之謬方向煞神事甚無謂孤虛宜
忌亦且不經東行西行之論天德月德之云臣
料唐虞之曆必無此等之文所宜著者日月之
行星辰之次仰觀俯察事合逆順七政之齊正

此類也

舊制陞宮謝恩惟在京堂上及都給事中初陞
面謝而給假起復復除者及其餘新陞自太僕
寺丞以下者皆謝於午門外而陞方面者則面
辭至成化間有同陞都左右給事中者因俱面
謝後遂因之歲乙未九月南京兵部右侍郎馬
顯起復復除強行面謝禮未幾尚寶寺丞李璋
亦然

開平王曾孫常復至自雲南寧河王玄孫炳至

自湖廣岐陽王支孫李璿東甌王玄孫湯紹宗皆至自南京比至命各授以指揮使職還轉送兵部皆定以南京錦衣衛使各近其墳塋

武臣有指揮牟斌者累因執法以受罪內臣有承奉周儀者不從謀逆以被殺

北京兵部仍稱行在正統間始去行在二字文武官俸仍於南京倉閩支戶部茶鹽引由鉄板言者欲貯在戶部竟不從又馬快船於通州聽用至今行之

危素在太常請親祀南郊築北郊郊以祭之非

內外諸司印文俱用疊篆以九摺畫而止字用成雙不及者足以之字而總兵所掛印文則用

柳葉篆其御璽與各王府之寶則用玉箸篆其

印形方大小有差一品者三臺二品者二臺用

銀三品以下者銅惟應天府特賜銀印

宋政宣間除擢侍從以上皆先命日者推步其

五行休咎然後出命

舊制生員惟有廩膳增廣雖然廩膳有額增廣無

額成化初京師語曰和尚普度秀才拘數禮姚夔請奏故附學立焉

國憲家猷卷之十

東吳王可大元簡甫集著

憲典十

內閣大臣廕敘起自正統六年少師大學士楊榮以後者或出自

特恩或由奏

請或身後乞廕多者三員間有四員者少者二員一員未有定數今查得新舊錄廕子孫共四十一員名

少師工部尚書謹身殿大學士楊榮下四員男
楊恭正統六年六月內授尚寶司司丞陞本司
少卿故男楊貴芳景泰元年三月內授中書舍
人故孫楊士俊天順三年二月內具陳伊祖歷
任內閣年勞乞授中書舍人故曾孫楊昂成化
二十一年四月內具陳伊祖歷任內閣年勞
奏送國子監讀書照監生例考選廣東香山縣
知縣致仕

少師兵部尚書兼華蓋殿大學士楊士奇下三

員內三品例廕官生一員

男楊導正統十年三月內授尚

寶司司丞陞本司少卿故孫楊昱景泰二年正

月內具陳伊祖歷任內閣年勞比例乞送中書

舍人處習字三年滿授中書舍人故孫楊昂成

少保禮部尚書兼武英殿大學士楊溥下三員

孫楊壽正統十二年三月內授尚寶司司丞陞

本司少卿故孫楊恭天順八年十一月內具陳

伊祖歷任內閣年勞比例乞送中書舍人處習

字三年滿授中書舍人歷陞尚寶司卿故孫楊

耀宗由譯字宮弘治十七年十一月內具陳伊

祖歷任內閣年勞比例乞送中書舍人處習字

正德三年題奉致仕隨題都與冠帶

少保太子太傅工部尚書謹身殿大學士高穀

下一員男高宣成化三年二月內具陳伊父歷

任內閣年勞奏送國子監讀書本年八月又行

比例具陳乞送翰林院寫字一年滿授中書舍

人故

內閣辦事禮部左侍郎兼翰林院學士薛瑄下

二員內三品例廕官生一員孫薛紹成化十七年三月內

奏送國子監讀書照監生例考選直隸真定府

深州判官致仕係三品例廕官生孫薛葵正德元年五

月內具陳伊祖歷仕內閣年勞乞送中書舍人

處習字正德三年題奉致仕隨題奉都與冠帶

太子少保禮部尚書兼文淵閣大學士陳文下

一員男陳章成化六年七月內具陳伊父歷任

內閣年勞比例乞授中書舍人故

少保吏部尚書華蓋殿大學士李賢下三員男

李璋成化三年二月內傳授尚寶司司丞歷陞
 太常寺少卿故孫李錫弘治十年十一月內具
 陳伊祖歷任內閣年勞比例乞送中書舍人處
 習字一年滿授中書舍人正德三年題奉致仕
 孫李鎮弘治十四年十月內具陳伊祖歷任內
 閣年勞比例乞送中書舍人處習字三年滿授
中書舍人故
 內閣辦事翰林院學士呂原下一員男呂憲成
 化元年三月內具陳伊父歷任內閣年勞奏送
 國子監讀書成化三年五月內又行比例乞送

翰林院寫字一年滿授中書舍人歷陞南京太
 常寺卿致仕

少保吏部尚書文淵閣大學士彭時下二員男
 彭順成化十一年九月內傳授尚寶司司丞故
 孫彭崧弘治六年二月內具陳伊祖歷任內閣
 年勞比例乞送中書舍人處習字三年滿授中
 書舍人正德三年題奉致仕

內閣辦事禮部左侍郎劉定之下二員名內三品
例廕官
 劉一男劉稱由生員成化八年五月內具陳伊

父歷任內閣年勞比例乞授中書人歷陞南京尚寶司卿正德三年題奉冠帶閑住男劉稔成化二十一年九月內奏送國子監讀書未任故孫劉壽補廕未任係三品例廕官生

少保吏部尚書謹身殿大學士商輅下三員男商良輔成化二年九月內以三品乞

恩奏送國子監讀書成化二十一年七月內具

陳伊父歷任內閣年勞比例乞授禮部精膳清

吏司主事歷陞工部都水司郎中孫商汝謙由

納粟監生弘治二年正月內具陳伊祖歷任內

閣年勞比例乞授尚寶司司丞歷陞本司卿故

曾孫商承慶弘治十三年十月內具陳伊曾祖

歷任內閣年勞比例乞送中書舍人處習字一

年滿授中書舍人正德三年題奉致仕

少師兼太子太師吏部尚書華蓋殿大學士萬

安下三員名內三品例廕官生一名男萬翬成化十六年

三月內奏送國子監讀書中舉未任故係三品例廕官

生孫萬弘珩成化二十年六月內傳授中書舍

人致仕孫萬弘琬弘治十七年十二月內具陳
伊祖歷任內閣年勞比例乞授尚寶司司丞故
太子太保戶部尚書謹身殿大學士劉翊下四
員內三品例廕官生一員男劉鈞成化三年九月內送國
子監讀書照監生例考選都察院司務歷任陞
禮部祠祭司員外郎係三品例廕官生男劉銳成化二
十年六月內傳授中書舍人致仕男劉錦弘治
八年四月內具陳伊父歷任內閣年勞比例乞
授中書舍人故男劉銓弘治十四年十二月內

具陳伊父歷任內閣年勞比例乞送中書舍人
處習字三年滿授中書舍人故

少師吏部尚書華蓋殿大學士劉吉下四員名

內三品例廕官生一名男劉申成化十二年三月內奏送

國子監讀書未任故係三品例廕官生男劉韋成化二

十年六月內傳授中書舍人故男劉準弘治九

年四月內具陳伊父歷任內閣年勞比例乞授

禮部精膳清吏司主事歷陞尚寶司卿正德三

年題奉中書科照舊辦事男劉臯弘治十一年

二月內具陳伊父歷任內閣年勞比例乞授中書舍人正德三年題奉任俸用心習學待一年考試成效方許復俸

少保兼太子太保戶部尚書武英殿大學士丘濬下一員孫丘蕃弘治八年四月內該伊祖母一品夫人吳氏具陳伊祖歷任內閣年勞比例乞授尚寶司司丞因未出幼奏回原籍不曾赴部
少師兼太子太師吏部尚書華蓋殿大學士徐

溥下三員男徐元概成化二十年六月內該伊父自陳歷任翰林院年勞乞授中書舍人故孫徐文煥弘治十二年五月內具陳伊祖歷任內閣致仕緣由乞授中書舍人改尚寶司司丞正德元年七月內養病正德三年題奉患病一年以上的致仕孫徐文燦弘治十四年五月內具陳伊祖歷任內閣年勞比例乞授中書舍人正德三年六月內奉

欽依徐文燦這廝託病回家不由本府文書保

送謫詐多端不必提問着爲民

少師吏部尚書華蓋殿大學士劉健下一員係本

官奏乞三品例廢官生孫劉成恩弘治十七年十月內該

本官奏要照例送監讀書

欽授中書舍人正德二年八月內奉

欽依劉成恩累次曠職不謹着原籍致仕

一東宮官錄廕起自成化十五年學士孫賢男

孫廷臣傳授中書舍人及查得弘治四年六月

內該太常寺少卿兼翰林院侍讀陸鈇男陸爰

奏要比例少卿余謙吳謙男余翰學吳榮事例

出身該本部查議得余謙吳謙俱係內閣書辦

官其子余翰學吳榮夤緣傳授中書舍人別無

春宮四品以下官錄用子孫事例其後少詹事

劉鉉孫劉祭少詹事兼國子監祭酒司馬恂男

司馬公紳翰林院學士黃諫男黃琳援引授職

此是

春宮講讀官子孫援書辦官子孫事例而求此

出身非

朝廷特為講讀官子孫而定此
恩例也題奉

孝宗皇帝聖旨是但陸鉞曾侍

春宮講讀他男送國子監讀書欽此弘治十七
年閏四月內該翰林院侍讀學士江潮宗男江
寧具陳伊父歷任

春宮講讀本部題奉

孝宗皇帝聖旨江寧准送國子監讀書今後東
宮講讀官子孫陳乞廕敘你每還查他年勞深

淺斟酌來說欽此正德元年正月內該南京工
部尚書董鉞妻淑人溫氏具陳伊父歷任

春宮講讀比例乞請本部題奉

聖旨廕子孫東宮講讀恩典董鉞講讀既已三
年他孫男董韓准照例送中書舍人習字出身
未及三年的照江寧例送監讀書欽此今查得
新舊錄廕子孫共二十六員名開坐于后

太常寺卿兼翰林院侍讀學士孫賢下一員男
孫廷臣由監生成化十五年閏十月內傳授中

書舍人改湖廣沔陽衛知事

詹事府少詹事兼翰林院侍讀學士李泰下一員男李珩成化十七年十二月內比例乞授中書舍人歷陞尚寶司卿

翰林院學士黃諫下一員男黃琳成化十八年六月內比例乞送中書舍人處習字三年滿授中書舍人

詹事府少詹事劉鉉下一員孫劉榮成化十八年十二月內比例乞送中書舍人處習字三年滿授中書舍人歷陞太常寺少卿

詹事府少詹事兼國子監祭酒司馬恂下一員孫司馬公紳成化二十一年六月內比例乞送中書舍人處習字三年滿授中書舍人故詹事府少詹事兼翰林院學士柯潛下一員男柯宗文弘治六年十月內比送中書舍人處習字三年滿授中書舍人

南京太常寺少卿牛綸下一員男牛讓弘治七年四月內比例乞送中書舍人處習字三年滿

授中書舍人故

南京吏部尚書錢溥下二員

內三品例廕官生一名

孫錢

垣成化十九年二月內奏送國子監讀書

係三品例

廕官

男錢及弘治七年八月內比送國子監讀

書照監生例考選上林苑監署丞

太常寺少卿兼翰林院侍讀陸鈇下一員男陸

爰弘治四年六月內送國子監讀書弘治九年

閏三月內又行比例乞送中書舍人處習字三

年滿授中書舍人正德三年題奉

欽依住了俸着用心習學待一年考試成效方

許復俸

南京禮部尚書倪謙下二員名

內三品例廕官生一名

男

倪阜成化十四年八月內奏送國子監讀書中

進士選工部都水司主事歷陞四川布政司右

布政使故男倪山補廕亦故

係三品例廕官生

男倪澤

弘治十一年七月內比例乞送中書舍人處習

字三年滿授中書舍人正德三年題奉致仕

南京吏部尚書王興下二員

內三品例廕官生一名

姪王

澄弘治四年九月內比例送國子監讀書照監

生例考選貴州程番府推官

係三品例廕官生一員孫王昇

弘治十三年九月內比例乞送中書舍人處習

字三年滿授中書舍人

工部右侍郎張頤下一員男張永齡弘治十四

年十二月內比例乞送中書舍人處習字三年

滿正德三年題奉致仕去隨題都與冠帶

禮部尚書傅瀚下二員

內三品例廕官生一名

男傅完弘

治十五年六月內比例乞送中書舍人處習字

三年滿授中書舍人正德三年題奉

欽依住了俸着用心習學待一年考試成效方

許復俸孫傳選正德二年二月內比例乞送國

子監讀書

係三品例廕官生

翰林院學士江潮宗下一名男江寧弘治十七

年五月內比例乞送國子監讀書

禮部尚書兼翰林院學士吳寬下二員名

內三品例

廕官生一名

男吳真弘治七年八月內比例乞送國

子監讀書未任故

係三品例廕官生

男吳爽弘治十七

年八月內比例乞授中書舍人正德三年題奉
欽依住了俸着用心習學待一年考試成效方
許復俸

工部尚書董越下二員名

內三品例廕官生一名

男董穀

弘治十一年二月內比例乞送國子監讀書

係

品例廕官生

孫董韓正德元年正月內比例乞送中

書舍人處習字正德三年題奉致仕去隨題都

與他冠帶

太常寺少卿兼翰林院學士楊時暢下一員男

楊依澤正德元年七月內比例乞送中書舍人

處習字正德三年題奉致仕隨題都與冠帶

南京國子監祭酒羅璟下一名男羅鏊正德元

年七月內比例乞送國子監讀書

司經局洗馬楊傑下一員男楊毓坤正德二年

閏正月內比例乞送中書舍人處習字正德三

年題奉致仕隨題都與冠帶

一查得吏部尚書錄廕起自宣德十年少師吏

部尚書蹇義今查得舊新錄廕子孫共十一員

名開坐于后

少師吏部尚書纂義下一員男纂英宣德十年正月內授中書舍人故

吏部尚書王真下一員孫王侏成化元年七月內比例乞送中書舍人處習字三年滿授中書舍人歷陞廣西太平府知府

太子少保吏部尚書李秉下二員名內三品例廕官生一

名孫李邦瑞弘治四年八月內比例奏送國子監讀書係三品例廕官生孫李邦彥弘治十七年十月

內比例乞送中書舍人處習字三年滿正德三年題奉致仕隨題都與冠帶

太子少保吏部尚書崔恭下二員內三品例廕官生一員

男崔珂成化九年三月內奏送監讀書照監生例考選河南歸德州判官陞陝西金州同知致

仕係三品例廕官生男崔璿成化十六年十月內比例

乞送中書舍人處習字三年滿授中書舍人歷陞尚寶司卿正德二年閏正月內錦衣衛題奉

發遼東鐵嶺衛永遠充軍

太子太保吏部尚書姚夔下一員男姚璽由三品官生成化十一年十月內比例乞授中書舍人歷陞雲南姚安軍民府知府正德三年題奉冠帶閑任

太子太傅吏部尚書尹旻下一員孫尹繼祖弘治八年十二月內比例乞授中書舍人正德三年題奉

欽依住了俸着用心習學待一年考試成效方許復俸

太子太保吏部尚書耿裕下二員內三品例廕官生一員

男耿珣成化二十年八月內比例奏送國子監

讀書照監生例考選右軍都督府都事陞直隸

太平府同知係三品例廕官生孫耿鏐弘治九年閏三

月比例乞授中書舍人

太子少保吏部尚書倪岳下一員男倪霖弘治

十四年十二月內比例乞送中書舍人正德三

年題奉

欽依住了俸着用心習學待一年考試成效方

許復俸

一各衙門一品二品官不係內閣錄廕者起自
永樂宣德年間正德二年二月內該禮部議稱
前項

恩典蓋以待大臣之有勲勞於國者今查得新
舊錄廕子孫七員開具于后

戶部尚書夏原吉下一員男夏瑄宣德五年止

月內授尚寶司司丞

刑部尚書薛希璉下二員內三品例廕男薛胤

宣化十七年二月內比例奏送國子監讀書

照監生例考選南京刑部檢校改江西建昌府

照磨係三品例廕官生

兵部尚書徐晞下二員男徐訥天順六年七月

內授尚寶司司丞致仕孫徐世英正統十四年

二月內授中書舍人歷陞南京通政司右通政

致仕

工部尚書兼大理寺卿趙榮下一員男趙玹成

化元年十月內比例乞授中書舍人處習字三

年滿授中書舍人

少傅兼太子太師禮部尚書胡濙下一員孫胡
順弘治十七年八月內比例乞送中書舍人處
習字三年滿授中書舍人正德三年題奏照舊
辦事

一三品以上錄廕自永樂洪熙等年弘治十年
又該禮科左給事中葉紳等題禮部議得今後
在京文武三品以上官但經考滿給

誥者許其一子送監如經劾退閑住及一應年
遠并雜流出身者俱不許援例乞

請其入監之子未任而故許令補廕等因題奉
孝宗皇帝聖旨是太醫院官有三品滿考無過
的也准照例廕子入監欽此正德二年二月內
又該司禮監太監李榮傳奉

聖旨文官恩廕今後三品以上未經三年考滿
及未關

誥命都不准該禮部查例具題奉
聖旨是三品以上送子入監照永樂等年舊例

行欽此今查得新舊錄廢子孫共一百七十員
名

兵部尚書儀銘下孫儀瑜送監讀書未任故孫
儀瑁補廢照監生例考選直隸蘇州府嘉定縣
主簿陞河南布政司照磨

掌通政司事禮部尚書樂輝下孫樂宗送監讀
書照監生例考選鴻臚寺序班陞通政司知事
添註

南京戶部尚書黃鎬下男黃澍送監讀書中舉
考選順天府通判歷陞雲南姚安軍民府知府
禮部尚書鄒榦下男鄒煜送監讀書未任故孫
鄒坤廢補

南京刑部尚書周瑄下孫周伊送監讀書

刑部尚書林聰下男林旬送監讀書奏稱有疾
乞授州判官職事榮身閑住故男林臬補廢照
監生例考選光祿寺典簿陞順天府通判

都察院右副都御史殷謙下男殷璋送監讀書
照監生例考選中軍都督府都事陞浙江金華

府同知

兵部尚書張鵬下孫張弟送監讀書

南京兵部尚書原傑下孫原應韶送監讀書

南京工部尚書王來下孫王瑛送監讀書未任

故孫王沐廢補

南京大理寺卿龔永吉下男龔全名送監讀書

照監生例考選廣東布政司都司陞江西贛縣

知縣

南京兵部左侍郎范理下男范昌齡送監讀書

中舉考選應天府通判陞江西撫州府同知

南京太僕寺卿方漢下男方玉送監讀書

工部左侍郎杜謙下男杜漢送監讀書照監生

例考選光祿寺典簿

都察院右副都御史劉忠下孫劉明送監讀書

照監生例考選河南河南縣縣丞

都察院右副都御史吳琛下男吳約送監讀書

太子賓客胡儼下男胡璆送監讀書照監生例

考選光祿寺署丞

南京戶部右侍郎黃琛下男黃謙送監讀書

都察院右副都御史謝杲下孫謝元送監讀書

南京禮部尚書黎淳下男黎民安送監讀書

都察院右副都御史李裕下男李槩送監讀書

中舉考選都察院司務歷陞南京刑部福建司

郎中

南京兵部尚書張瑩下男張杲送監讀書有疾

授福寧州判官職事冠帶閑住故孫張崑補廕

工部尚書謝一夔下孫謝驥送監讀書照監生

例考選南京都察院都事

南京吏部尚書王恕下男王承祥送監讀書中

舉考選順天府通判

禮部右侍郎艾福下男艾璽送監讀書照監生

例考選襄府奉祠所奉祠副

工部左侍郎陳政下孫陳恩送監讀書未任故

男陳望補廕

刑部右侍郎邊鏞下男邊寧送監讀書中舉

工部右侍郎劉昭下男劉繪送監讀書照監生

例考選光祿寺署丞陞河南彰德府通判

都察院左副都御史盛顛下男盛龍送監讀書
照監生例考選刑部司務陞本部浙江司員外
郎仍管司務事

南京工部右侍郎劉俊下男劉遐送監讀書照
監生例考選都察院照磨

都察院右副都御史朱英下孫朱龍送監讀書
未任故孫朱斌補廕

太常寺卿王獻下男王雲送監讀書照監生例

考選太常寺典簿

南京兵部尚書張悅下男張牧送監讀書照監
生例考選南京中軍都督府都事

戶部尚書葉淇下孫葉木送監讀書

工部尚書徐貫下男徐願送監讀書考選光祿
寺典簿

光祿寺卿胡恭下男胡宗閔送監讀書

工部左侍郎謝宇下男謝汝昌送監讀書照監
生例考選雲南澂江府經歷

南京兵部尚書秦民悅下男秦養浩送監讀書
考選崇德縣縣丞

南京工部右侍郎黃孔昭下孫黃綰送監讀書
南京禮部尚書謝綬下男謝環送監讀書

都察院右副都御史張瑋下孫張雲翼送監讀
書

太常寺卿齊璋下男齊璿送監讀書

刑部右侍郎林鶚下孫林薇送監讀書

都察院右副都御史王道下男王儒送監讀書

都察院右副都御史張岫下男張呬送監讀書

南京戶部尚書黃紱下男黃桓送監讀書

都察院右副都御史唐恂下男唐瀾送監讀書

戶部右侍郎邢簡下男邢野亨送監讀書考選

湖廣荊州府通判

兵部右侍郎阮勤下男阮富送監讀書未任故
姪阮忠補廕

戶部右侍郎閻本下男閻讓送監讀書中舉考
選南京禮部司務調刑部司務

南京刑部尚書鄭時下男鄭如阜送監讀書考
選東城兵馬司副指揮

大理寺卿宋欽下男宋廷佐送監讀書中舉

都察院右副都御史劉璋下男劉希文送監讀
書

太僕寺卿宋琮下男宋鈞送監讀書

都察院右副都御史王宗彞下男王夔送監讀
書

都察院右副都御史張誥下男張文貴送監讀

書

兵部左侍郎張海下孫張僎送監讀書考選順

天府知事

大理寺卿宋旻下男宋琮送監讀書

都察院右副都御史孫仁下姪孫珵送監讀書
朱任故男孫鋼補廕

大理寺卿王霽下男王臨送監讀書

戶部右侍郎黃傑下男黃霆送監讀書

刑部左侍郎張錦下男張瀾送監讀書未任故

男張沐補廕

刑部右侍郎熊懷下男熊輔送監讀書

南京兵部右侍郎黎福下男黎昭送監讀書

都察院右副都御史楊理下男楊磐送監讀書

中舉

工部右侍郎曾鑑下男曾洪送監讀書未任故

男曾沅補廕

太常寺卿彭理下男彭勉愷送監讀書

大理寺卿王軾下男王資送監讀書

都察院右副都御史張淮下男張衍送監讀書

兵部右侍郎楊謐下孫楊承祺送監讀書

吏部右侍郎周經下男周孟送監讀書考選右

軍都督府都事

南京太常寺卿陳音下孫陳瀆孝送監讀書

工部右侍郎陳琬下孫陳邦翰送監讀書中舉

孫陳邦傑補廕

南京大理寺卿魏富下孫魏慶吉送監讀書

大理寺卿朱奎下男朱朝恩送監讀書

工部右侍郎賈俊下男賈魯送監讀書未任故
孫賈越補廕

順天府尹藺琦下男藺倫送監讀書

都察院右副都御史王恂下孫王倓送監讀書
南京刑部左侍郎張撫下男張重送監讀書

兵部左侍郎李介下孫李昨送監讀書

南京刑部右侍郎徐懷下男徐璋送監讀書考

選山東高唐州判官

南京工部右侍郎徐恪下孫徐琢送監讀書考

選浙江西安縣縣丞

南京兵部尚書王繼下男王鳳儀送監讀書考

選上林苑監署丞奏病親終起復聽用

禮部右侍郎費閻下男費衍送監讀書

南京刑部尚書戴珊下男戴晴送監讀書

南京戶部右侍郎鄭紀下男鄭王忠送監讀書

都察院右都御史李蕙下男李珏送監讀書

都察院右副都御史李昂下男李世蕃送監讀

書未任故男李士魁補廕

南京通政使毛倫下孫毛暉送監讀書

工部右侍郎張達下男張鎮送監讀書

都察院右都御史陳道下孫陳榮松送監讀書

都察院右都御史金澤下男金逵送監讀書

都察院右都御史史琳下孫史伯敏送監讀書

禮部尚書元守直下姪元思永送監讀書考選

直隸順德府鉅鹿縣縣丞

掌鴻臚寺事禮部尚書賈斌下男賈一陽送監

讀書考選羽林右衛經歷

都察院右副都御史徐源下孫徐勳送監讀書

都察院右副都御史王沂下男王杲送監讀書

南京太僕寺卿呂憲下男呂言送監讀書

南京兵部尚書林瀚下男林廷杓送監讀書

都察院右副都御史鄭齡下男鄭賜送監讀書

都察院右副都御史林元甫下男林有恒送監

讀書

都察院右副都御史張縉下男張晏送監讀書

吏部右侍郎楊守陳下孫楊美璜送監讀書

刑部尚書閔珪下孫閔宜勤送監讀書考選前
軍都督府都事

太常寺卿崔志端下孫崔承祖送監讀書

工部右侍郎林鳳下男林怡送監讀書

兵部右侍郎潘蕃下孫潘儒送監讀書

戶部右侍郎王儼下男王寰之送監讀書

兵部左侍郎熊翀下孫熊振洪送監讀書未任

故孫熊振濠補廕

都察院右副都御史周季麟下男周讓送監讀書

書

通政司通政使沈祿下男沈鈇送監讀書

南京吏部右侍郎楊守陞下男楊茂清送監讀書

書

戶部右侍郎陳清下男陳策送監讀書

刑部右侍郎李仕寶下男李汝琪送監讀書

都察院右副都御史閻仲宇下男閻佑送監讀書

書

禮部右侍郎李傑下男李而進送監讀書

都察院右副都御史韓重下男韓果送監讀書

戶部尚書韓文下孫韓廷彥送監讀書

刑部右侍郎屠勳下男屠應墳送監讀書中舉

戶部尚書顧佐下男顧仲諧送監讀書

南京大理寺卿楊守隨下男楊茂恕送監讀書

南京刑部尚書樊瑩下男樊亞送監讀書

都察院右副都御史高銓下孫高本送監讀書

都察院右副都御史張敷華下男張儒卿送監

讀書

都察院右副都御史韓文下孫韓德清送監讀

書

禮部右侍郎張昇下男張愈送監讀書未任故

男張熹廕補

戶部左侍郎許進下孫許儒送監讀書中舉

工部左侍郎李鏊下男李繼先送監讀書

禮部左侍郎王華下男王守儉送監讀書

南京禮部右侍郎馬廷用下男馬全送監讀書

南京都察院右都御史王鑑之下孫王一和送

監讀書

兵部右侍郎文貴下男文三畏送監讀書

太子太傅戶部尚書王鏊下男王延素送監讀書

禮部左侍郎兼翰林院學士李東陽下男李兆

先送監讀書未任故姪李兆蕃補廕

禮部左侍郎焦方下孫焦希周送監讀書

都察院右都御史屠鏞下男屠偕送監讀書照

監生例考選前軍都督府都事

吏部右侍郎梁儲下男梁次揭送監讀書

都察院右副都御史劉宇下男劉佳送監讀書

都察院右副都御史何鑑下

兵部左侍郎潘禮下男潘珩送監讀書照監生

例考選東城兵馬司指揮

南京吏部尚書陳俊下男陳敘送監讀書照監

生例考選南京前軍都督府都事陞本府經歷

戶部尚書沈固下孫沈志送監讀書

兵部尚書孫原真下孫孫暉送監讀書

南京大理寺卿章格下男章淦送監讀書照監
生例考選浙江寧波府經歷

南京太常寺卿李穆下男李煒送監讀書照監
生例考選河南南陽府推官陞直隸蘇州府通
判

戶部右侍郎李嗣下男李辰送監讀書

太常寺卿凌輝下男凌鶴送監讀書照監生例
考選南京工部龍岡提舉司提舉陞順天府涿

州判官

都察院右副都御史馬馴下男馬維送監讀書

照監生例考選南京刑部照磨

都察院右副都御史張玉下男張銳送監讀書

南京太僕寺卿張賁下男張誠送監讀書

都察院左副都御史王越下孫王烜送監讀書

戶部尚書楊昂下孫楊依江送監讀書

都察院右副都御史孔鏞下孫孔承祖送監讀

書

南京禮部尚書童軒下孫童時送監讀書

都察院右副都御史李田下男李承階送監讀書

吏部左侍郎葉盛下男葉晨送監讀書未任故
孫葉孟淇補廕

工部右侍郎羅明下男羅雲鳳送監讀書

應天府府尹王弼下姪王瑄送監讀書照監生
例考選山東布政司都事陞廣東海北鹽課司
副提舉

都察右副都御史余子俊下姪余寰送監讀書

中進士任戶部員外郎故孫余承恩補廕

禮部尚書周洪謨下男周汝靖送監讀書

戶部尚書秦紘下男秦向送監讀書未任故男
秦學書補廕

禮部右侍郎章綸下男章玄會送監讀書照監
生例考選鴻臚寺典簿陞應天府通判

刑部尚書杜銘下男杜浚送監讀書照監生例
考選上林苑監錄事

南京工部尚書劉宣下男劉秉常送監讀書中
舉考選禮部司務

戶部左侍郎吳原下男吳夢麟送監讀書中舉
男何宇送監讀書

太僕寺卿吳洪下男吳嵩送監讀書

工部右侍郎張憲下男張珂送監讀書中舉

刑部尚書洪鍾下男洪濤送監讀書

南京光祿寺卿胡諒下男胡銳送監讀書

掌鴻臚寺事禮部右侍郎張俊下男張澮送監

讀書

一內閣書辦官錄廕起自成化年間傳奉今查
得舊廕子孫伍員開坐于后

太常寺卿余謙下男余翰學成化十五年閏十
月內傳送中書科習字一年滿授中書舍人故
太僕寺帶俸少卿兼司經局正字吳謙下男吳
榮成化十五年閏十月內比例乞送翰林院習
字二年滿授中書舍人

太常寺卿林章下男林應祥成化十九年五月

內以三品例廕乞送監讀書照監生例考選鴻臚寺主簿廳主簿陞太僕寺主簿

太常寺卿龍暹下男龍畧弘治八年四月內以三品例廕乞送監讀書未任

光祿寺卿張駿下孫張明憲弘治十八年三月內以三品例廕乞送監讀書

一內臣錄廕起自太監周讓今查得舊新錄廕共七員名開坐于后

都知監太監周讓下一員姪周福成化二十年

乞送國子監讀書照監生例考選光祿寺署丞御馬監太監張敏下二員姪張禎弘治十年九月內乞送監讀書姪張宜弘治十一年五月內乞送監讀書中舉

司禮監太監牛玉下一員姪牛綱弘治十年七月內乞送中書舍人處習字三年滿授中書舍人正德三年題奉留着辦事

尚衣監太監梅忠下一員孫梅璿由四夷館譯字官弘治十二年二月內授鴻臚寺序班陞本

寺主簿

內官監太監李興下一名姪朱越弘治十二年十月內清寧宮工完乞送國子監讀書

內官監太監陳良下一員姪陳偉正德三年三月內乞授中書舍人本年十月題奉留着辦事一駙馬都尉錄廕起自駙馬都尉趙輝今查得新舊錄廕子孫四員名開坐于后

駙馬都尉趙輝下一名孫趙鎧成化二十一年三月內乞送國子監讀書上選未任故

駙馬都尉李 下一員孫李禎成化二十二年二月內乞送國子監讀書照監生例考選南京錦衣衛知事

駙馬都尉尹清下一名孫尹衡弘治十年四月內乞送國子監讀書

駙馬都尉沐昕下一員孫沐琚弘治十一年二月內乞送國子監讀書照監生例考選浙江杭州府經歷司經歷

一乳母錄廕起自天順八年翊聖夫人劉氏今

查得錄廕子孫二員開坐于后

翊聖夫人劉氏下一員男季通天順八年八月
內乞送翰林院習字三年滿授中書舍人歷陞
太僕寺少卿

恭聖夫人李氏下一員男胡恭成化二年五月
內乞送中書舍人處習字三年滿授中書舍人
歷陞尚寶司卿

一三品以上廕敘事例先年禮部掌行正德七
年閏五月內本部檢照諸司職掌以廕敘例於

因題奉
司職掌下而禮部儀制司所掌無廕子之文等

聖旨諸司職掌所載廕敘既原屬司封部准改
正遵守欽此欽遵外今將錄廕過子孫開具于
后

左春坊左庶子張天瑞下男張棟之正德七年
閏五月內具陳伊父歷任

東宮講讀比例乞送中書舍人習字出身
吏部左侍郎兼翰林院學士掌詹事府事張元

禎下孫張鏊正德七年七月內具陳歷任

春宮講讀內閣年勞比例乞送中書舍人習字
三年出身

太常寺少卿兼翰林院學士武衛下男武選正
德七年十月內具陳伊父歷任

春宮講讀比例乞送中書舍人習字三年滿日
出身

太子太保禮部尚書周經下孫周元祐正德八
年正月內具陳伊祖歷任講讀年勞比例乞送

中書舍人習字三年出身

少師兼太子太師吏部尚書華蓋殿大學士萬
安下曾孫萬元正德八年二月內具陳伊曾祖
春宮講讀年久比例乞送中書舍人習字三年
出身

南京禮部尚書江瀾下男江耀正德八年八月
內具陳歷任

春宮講讀比例乞送中書舍人習字三年出身
少師兼太子太師吏部尚書馬文升下孫男馬

天祐正德八年十一月內具陳比例乞授中書舍人

制勅房辦事光祿寺卿周文通下男周一元正德九年三月內具陳伊父係

春宮正字官員比例乞送翰林院習字三年出身

太子少保叅贊機務南京兵部尚書劉機下男劉光正德十年八月內送中書舍人習字出身禮部尚書李傑下男李而遇正德十年十月內

送中書舍人

翰林院侍讀陸簡下孫陸弘道正德十一年正月內送中書舍人習字

禮部尚書兼翰林院學士吳寬下男吳奐先年送監讀書故孫男吳仁正德十二年三月內補廕禮部尚書兼翰林院學士劉春下男劉延年正德十六年五月內乞改廕中書舍人

一正德七年以後本部查議覆題奉

待恩廕敘過三品以上大臣子孫開具于后

太常寺少卿兼翰林院學士武衛下男武選原
係乞 恩監生正德七年十月內具陳伊父歷
任

春官講讀比例乞送中書舍人習字出身該本
部查議得伊父武衛歷履比之董越不同而與
楊時暢等大畧相似先該本生奏乞廢敘為因
吏科參出伊父官叨翰林行實多乖生既幸獲
完名死難再膺 殊典等語後該本部查照覆
題奉

欽依武選着送國子監讀書不曾准伊中書舍
人習字出身臣等仰窺

聖恩蓋因公議有所未安而廢典不宜獨廢故
於敘錄之中畧存甄別之義事體允當輿論協
服為武選者沾

恩已厚揣分當足今乃復援前例仍乞中書舍
人習字出身本部雖查有各官事例但奉有先
次成命別難議擬等因具題本月三十日奉
聖旨武衛既講讀年久他男武選准照例送中

書舍人習字三年滿日出身

少師兼太子太師吏部尚書華蓋殿大學士萬安下曾孫萬元正德八年二月內具陳伊曾祖春宮講讀年久比例乞送中書舍人習字出身該本部查議得

東宮講讀官許廕子一人年深者送中書舍人習字出身年淺者送國子監讀書此

累朝優禮儒臣之制今萬元伊曾祖萬安昔事

我

憲宗皇帝於春宮講讀年久所奏乞比詹事李泰等子孫事例似為相應但萬安歷官輔導節

蒙

恩廕孫男二人為中書舍人尚寶司丞今應否再以講讀官恩推廕係干

恩命臣等未敢擅便伏乞

聖裁等因具題本月二十日奉

聖旨萬元准照例送中書舍人習字三年出身文華殿辦事光祿寺卿周惠疇下正德八年三

月內該本官奏稱三年考滿乞要將男周文定送監讀書該本部查議得周惠疇歷光祿寺卿俸雖經三年考滿請給

誥命但由儒士任序班出身比與張駿朱奎原係舉人監生入官者不同况查有前項題

准不係文職正途三品官員不許妄援乞應定例所據前事似難准行等因具題本月十二日奉

聖旨准他入監讀書不爲例

刑部尚書屠懃下男屠應府正德八年五月內奏稱伊兄屠應垣先年乞

恩送監後中科目乞要補廕該本部查議得乞恩入監之子病故補廕者先年會官議奏已有定例其中舉補廕如周汝靖等間出

特恩今伊兄屠應垣原係乞

恩入監後由科目出身見任主事比與未霑一命而身故者不同所據屠應竣乞要補廕例不該載臣等擅難定奪伏

聖裁等因具題本年六月初二日奉

聖旨屠應竣准照周汝靖等例補廕送監讀書
南京吏部右侍郎楊守陞下男楊茂深正德八
年十月內具陳伊父侍從

春官講讀乞要比例出身該本部查議得前奉
欽依廕子孫東官講讀恩與然猶查其年勞淺
深以爲等第侍班官員原未該載其汪諧生前
爲子乞
恩在未奉

聖斷之前張元禎係詹事府元僚侍從

東官年久及係內閣專管

誥勅官員及出自

特恩楊傑俱係講讀官今伊父楊守陞選充侍
班未久陞任比與各官事體似有不同臣等別
難定擬伏乞

聖裁等因具題本月十八日奉

聖旨楊茂深准照李綦例送監讀書

太子少保禮部尚書兼翰林院學士彭華下男

彭勉肇正德十年五月內具陳伊父久侍
東宮乞要將伊習字出身該本部查議得本官
講讀雖爲日久入閣曾未一年其先次乞
恩本部斟酌上

請已將其孫彭師丙准做中書舍人似足以酬
其勞近者具奏陳乞本部已經題奉

欽依是既於例有碍罷今彭勉肇又復陳乞臣
等難再別議况
與奪輕重出自

朝廷伏乞

聖裁等因具題本月十六日奉

聖旨是你每說的是但彭華原侍春宮講讀日
久又入內閣辦事彭勉肇還准送監讀書

太子少保吏部尚書許進下孫男許儒先年送
監讀書中舉男許詞正德九年七月內補廕

太子太保吏部尚書王恕下男王承祿正德九
年十二月內廕授中書舍人

太子太傅吏部尚書屠鏞下男屠仕正德十一

年四月內送做中書舍人

少保兼太子太保吏部尚書陸完下男陸仕正
德十二年十二月內送監讀書

吏部左侍郎兼翰林院學士張元禎下孫男張
默正德十年六月內具陳伊祖居官翰苑歷陞
侍郎三年考滿乞要將伊送監該本部查議得
本官歷官雖久累經彈劾清議既所不容名節
實為有玷比與吳寬傅瀚完名全節者不同先
年授例將伊孫張釐送中書舍人習字出身

恩禮似已優厚今張默又奏前因難以准理
予奪出自

朝廷奉

聖旨張元禎既三年考滿該得廕子恩典未曾
陳乞張默准送監讀書

工部尚書周忱下孫周允正德十年九月內奏
稱伊兄周海先年乞

恩入監病故乞要補廕該本部查議得周海病
故係在弘治十年以前所擬本生違例陳乞例

國憲家範 卷一
四三
當查究但伊祖周忱歷事

先朝委有勞蹟應否補廕伏乞

聖裁如准補廕候

命下之日類行原籍官司查勘有無違碍施行
等因具題本月十五日奉

聖旨是周忱歷事

先朝勞蹟顯著伊孫周允准補廕送監讀書

少師兼太子太師吏部尚書華蓋殿大學士徐
溥下孫男徐文輝正德十年十一月內奏稱伊

祖先任吏禮二部侍郎三年考滿未曾乞廕先
要將伊送監該本部查議得大學士徐溥男孫
三人俱蒙廕授近

侍清班本官効勞館閣固云多年沾被

恩典亦已隆渥今徐文輝仍要照伊祖三年考
滿將伊送監讀書雖查與萬安等事體略同但
弘治十年以前原未有廕本部奏有

欽准事例不許濫陳况徐文輝亦非徐溥嫡長
男孫臣等未敢定擬奉

聖旨是徐文輝准送監讀書

太子太保刑部尚書俞士悅下孫男俞元弼正德十一年三月內具陳伊祖守城有功乞要將伊錄用該本部查議得原任兵部尚書于謙勞蹟顯著非彼時諸臣所及其原任太子太保刑部尚書俞士悅雖稱彼時守城有功得蒙

先朝復官諭祭然難比照于謙事例錫廕除奏乞贈謚不敢擅擬外所據奏乞錄廕比之同起陳循事體相同但陳循男陳瑛得

准送監讀書事在成化年間彼時未曾奏有不許濫陳事例奉

聖旨是俞元弼伊祖既守城有功未受恩廕准送監讀書不爲例

翰林院侍講劉球下曾孫劉祚正德十一年七月內具陳伊曾祖直言被構死于非命乞要將伊錄用該本部查議得劉球以直諫身死其忠節著委與鍾同李時勉相同但伊曾孫劉祠先已乞恩授通政使司知事陞本司經歷見今在任比

之鍾同長子出仕未幾致仕又乞次子錄用事
體頗有不同奉

聖旨是劉祚准送監讀書

南京吏部尚書黃珣下男黃文瑞正德十一年
九月內具陳伊父功業乞要送監該本部查議
得黃珣生前兩次陳乞奉有前

旨亦與俞士悅守城有功者不同今偕人奏前
因奉

聖旨是黃文瑞准送監讀書

少保吏部尚書文淵閣大學士彭時下曾孫彭
秉銳正德十一年九月內具陳伊祖內閣効勞
乞要授伊中書舍人該本部查議得與伊先次
所奏大略相同該本部覆題奉有前項

明旨所據今奏奉

聖旨是彭秉銳准送中書舍人習字二年出身
弘文館學士羅復仁下曾孫羅興正德十一年
十月內具陳伊曾祖功業乞要送監該本部查
議得羅興先次陳乞已該本部題奉

欽依罷今又奏前因雖於

大明一統誌及續通鑑綱目內查有羅復仁略節履歷但係

國初及今年遠况自

國初至今曾著功勞而未有贈謚葬祭錄廕者恐不止於羅復仁奉

聖旨羅與准送監讀書

少師兵部尚書兼華蓋殿大學士楊士奇下曾孫楊宗明正德十二年正月內具陳伊祖內閣

履歷乞將伊收入中書科習字出身該本部查議得大學士楊士奇歷事

累朝功勤昭著緣伊男楊槩已廕尚寶司司丞孫男楊昱又廕中書舍人楊昂廕錄國子生

恩典似已隆渥今伊曾孫楊宗明又奏前因况在弘治十年以前有例不許濫陳奉

聖旨是楊士奇既功勤昭著楊宗明准送監讀書不爲例

禮部右侍郎李紹下孫男李鍾正德十二年三

月內具陳伊祖文學功業乞要将伊送監該本部查議得本生先次陳乞本部議得於例有碍已經題奉

欽依罷今又奏稱前因切緣伊家碑誌非

欽命撰述大抵多溢美過情卒難憑據且查與薩琦葉盛先年已蒙廕敘今次奏乞補廕事體又有不同近日羅復仁之後雖蒙錄廕係出特恩自難比以爲例所據李鍾今奏奉

聖旨李鍾准送監讀書

太子少保禮部尚書兼翰林院學士彭華下孫

男彭師旦正德十二年五月內具陳伊祖三品

年勞乞要将伊補廕送監該本部查議得見行

事例廕子未仕而故者止許補廕一人補廕之

子又故不許再補緣彭勉敷先年廕敘病故彭

勉敬已曾陳乞補廕一次今勉敬鄉試中式伊

姪彭師旦又奏要将伊補廕但查傳纓補廕之

時未曾奏有

欽定不許再補事例今雖奉

聖旨先由錄廢後中科目的還許補廢一人而補廢之子中式又乞補廢者例無該載奉

聖旨彭師旦准補廢送監讀書

刑部右侍郎丁鉉下曾孫丁溥正德十二年七月內具陳伊曾祖扈

駕征虜身死乞要將伊補廢該本部查議得正統己巳之變凡隨從大小臣工捐軀土木非止一人其間有贈廢而無謚者亦不止丁鉉一人蓋當時考其行實稽諸公議恤典已定似難再加

其奏稱成化四年將伊伯丁禎送監病故乞要將伊照例補廢緣丁鉉死難已蒙錄廢丁琥爲大理寺評事伊伯丁禎雖稱曾廢入監但該禮部查無原行且事在成化四年與本部題

准在弘治十年以前不許濫陳事例有碍雖經巡按衙門具奏前來終亦無據丁溥奏乞事情奉

聖旨丁溥准補廢送監讀書

禮部右侍郎兼翰林院學士汪諧下妻唐氏正

德十三年八月內具陳伊夫供職効勞乞要將伊孫男汪師夔送監讀書該本部查議得見行廕子事例非在京堂上三品以上官不得預有非三年考滿請

誥命者亦不得濫及已故南京吏部尚書黃珣雖近蒙錄廕一子係出一時

特恩所據已故禮部右侍郎汪諧妻奏要將伊孫男錄廕入監查與見行事例不合又該吏科參稱前因奉

聖旨汪諧既歷官歲久效勞亦多汪師夔准送監讀書

太子少保禮部尚書兼文淵閣大學士陳文下曾孫陳紳正德十二年九月內具陳伊曾祖陳閣年勞乞要將伊錄廕該本部查議得本生先次陳乞爲尚寶司司丞已經題奉

欽依陳紳違例奏擾不准今又奏要錄伊爲中書舍人但伊祖陳章已蒙廕授中書舍人似難重廕其大學士彭時等孫男節次陳乞廕敘俱

出

特恩不可援以爲例况查與見行事例不合又該吏科察稱違例干進奉

聖旨陳紳准送監讀書

南京戶部尚書林泮下男林桓正德十三年五月內具陳伊父居官効勞乞要將伊送監該本部查議得林泮居官固稱清謹但陞任三品未及三年於例不該廕子所引侍郎黎福羅明俱係先年禮部查覆出自

特恩上事在正德八年以前於時未有

欽定事例難以比照誠如吏科奉

聖旨林泮既歷任年深清謹素著准廕他一子送監讀書

大理寺卿陳恪下男陳應期正德十三年八月內具陳伊父黽勉効勞乞要將伊送監該本部查議得陳恪歷官中外年勞頗深清謹亦著但陞任三品京堂未經三年考滿於例不該廕子其所引羅雲鳳等事例出自一時

特恩難以比照誠如該科所參奉

聖旨陳恪既年勞頗深清謹素著伊男陳應期准送監讀書

工部尚書劉璋下姪孫劉華正德十三年八月內奏稱伊叔劉獻乞

恩送監病故乞要補廕該本部查議得劉璋廕姪劉獻未曾入監而故雖未實沾

恩典緣在弘治十年以前今伊承繼姪孫劉華奏要補廕本部奉有前項

明旨又該吏科參出前因奉

聖旨劉華准補廕送監讀書

掌太醫院事通政使李宗周下正德十三年八月內奏稱三年考滿乞要將男李儼送監該本部查議李宗周歷通政使俸雖經三年考滿請給

誥命但由醫士出身比與張俊周惠疇監生儒士入官者又有不同誠如該科所參况又經言官論列所據廕子奉

聖旨李儼准送監讀書

禮部右侍郎兼翰林院學士汪諧下妻唐氏正德十三年十一月內奏稱伊孫汪師夔乞

恩入監病故乞要將曾孫汪可興補廕該本部查議得補廕之例蓋爲三品以上京堂官員三年曾經考滿已廕之子或因事故許別子孫一人補繼如傳纓等皆例所當得者也汪諧歷官侍郎未及考滿先該伊妻唐氏奏要將伊孫汪師夔錄廕本部查議覆題蒙

特恩准賜送監今已病故唐氏又爲其曾孫汪可興陳乞似與傳纓等例所當得者不同所據汪可興應否補廕予奪出自

朝廷奉

聖旨是汪可興准補廕送監讀書

南京都察院左副都御史陳璠下男陳鉉正德十三年十二月內奏稱伊父巡江捕獲有功乞要將伊孫陳貴送監該本部查議得左副都御史陳璠平昔居官雖被人言本無大過緣歷任

未及三年廕子於例有碍所引大理寺卿陳恪得廕係出

特恩難以比照今伊男陳鎡奏有撫捕海賊施天泰等勞蹟行據兵部該司查報相同亦與已故右副都御史張淮得廕事體相似但廕子係干

恩典奉

聖旨陳璠既有撫賊勞蹟陳貴准送監讀書南京兵部尚書張燦下男張概先係 恩生正

德十四年九月內具陳伊父

春宮講讀乞要將伊改廕中書舍人習字將弟補廕該本部查議得張燦在任之時雖曾被劾而

春宮講讀之勞似亦當錄但本官見存例不許其陳乞奉

聖旨是張概准照例改廕中書舍人習字三年出身張樾補廕入監讀書

都察院右副都御史沈林下男沈知剛正德十

五年六月內奏稱伊父巡撫剿賊有功乞要將伊男沈大謨送監該本部查議得沈林征剿蠻寇獲有前功似亦可錄但未經考滿與廕子之例不合所引大理寺卿陳恪副都御史張淮得廕俱出

特恩難以爲例奉

聖旨是沈林既有征剿蠻寇功次伊孫男沈大謨准送監讀書

少保兼太子太保戶部尚書武英殿大學士丘

濟下男丘京正德十五年九月內奏稱父內閣年勞乞要將伊特賜一職該本部查議得大學士丘濟先年病故蒙

恩將伊孫男丘嵩授尚寶司司丞未任病故蒙恩將丘郊補授前職今伊男丘京奏要授職緣丘濟比之楊士奇等年勞雖有又近不同亦係輔道重臣再廕一子似亦相應奉

聖旨是丘京准送中書舍人習字一年出身

少師兼太子太師吏部尚書華蓋殿大學士楊

廷和下弟楊廷曆正德九年七月內送監讀書
少保兼太子太保戶部尚書武英殿大學士丘
濬下孫丘雷先年乞授尚寶司司丞未任故曾
孫丘郊正德九年十二月內補廕

少傅兼太子太傅戶部尚書武英殿大學士王
鏊下男王廷誥正德十年三月內送中書舍人
太子太保戶部尚書武英殿大學士靳貴下男
靳懋仁正德十一年十二月內送監讀書

華蓋殿大學士梁儲下男梁鈞甫正德十六年

五月內送中書舍人

戶部左侍郎王瓊下男王朝翰送監讀書

工部左侍郎夏昂下男夏祿送監讀書

南京吏部左侍郎李旻下男李綦送監讀書

南京兵部右侍郎呂獻下孫男呂仲臬送監讀

書

都察院右都御史林廷選下男林玉汝送監讀

書

刑部左侍郎葉贊下男葉筌送監讀書

南京刑部尚書劉纓下孫男劉遺送監讀書

通政使司通政使丁鳳下孫男丁律送監讀書

禮部右侍郎掌國子監祭酒事謝鐸下孫男謝

必昨送監讀書

都察院右副都御史李貢下男李原道送監讀

書

南京吏部尚書張燦下男張概送監讀書

南京吏部右侍郎楊守卬下男楊茂深送監讀

書

戶部右侍郎叢蘭下男叢器送監讀書

兵部尚書原傑下男原應聘補廕送監讀書

工部右侍郎張遇下孫男張承恩送監讀書

戶部右侍郎侯觀下男侯謚送監讀書

都察院右副都御史周南下男周繼纓送監讀

書

禮部左侍郎李選學下姪李汝翼送監讀書

都察院右副都御史陶琰下男陶治送監讀書

文華殿辦事光祿寺卿周惠疇下男周文定送

監讀書

戶部尚書侶鍾下男侶珩先年送監讀書故次男侶璿補廕

戶部右侍郎吳原下男吳夢麒先年送監讀書故孫吳承忠正德九年六月內補廕

南京戶部尚書潘榮下男潘儉先年送監讀書故孫潘統正德九年八月內補廕

刑部尚書張子麟下男張九鼎正德九年八月內送監讀書

戶部左侍郎楊潭下男楊相正德九年九月內送監讀書

吏部左侍郎王璟下孫男王宗賢正德九年十月內送監讀書

南京戶部尚書胡富下男胡韶正德九年十月內送監讀書

禮部尚書兼翰林院學士蔣冕下姪蔣履垣正德十年正月內送監讀書

大理寺卿燕忠下男燕鼎正德十年正月內送

監讀書

南京刑部右侍郎劉憲故男劉鳳韶正德十年
二月內咨禮部送監讀書

南京兵部尚書柴昇下男柴肫正德十年三月
內送監讀書

吏部左侍郎陳洽下曾孫陳端甫先年送監讀
書中舉玄孫陳瑯正德十年三月內補廕

都察院右都御史馬中錫下男馬師言正德十
年四月內送監讀書

禮部尚書劉及下男劉旻正德十年四月內送
監讀書

禮部右侍郎吳儼下男吳驥正德十年五月內
送監讀書

工部右侍郎劉丙下男劉珙正德十年五月內
送監讀書

刑部左侍郎韓邦問下男韓杲正德十年五月
內送監讀書

都察院右副都御史高銓下男高本先年送監

國憲家前 卷一
讀書歷滿聽選故孫高炫正德十年五月內補
廕

都察院右副都御史劉愷下男劉端臣正德十
年六月內送監讀書

南京吏部右侍郎王克復下男王時英先年送
監讀書歷滿聽選故孫王繼恩正德十年六月
內補廕

禮部右侍郎楊旦下男楊襄正德十年七月內
送監讀書

戶部右侍郎鄭宗仁下男鄭淳正德十年七月
內送監讀書

工部右侍郎廖紀下男廖承正德十年八月內
送監讀書

都察院左都御史陳釜下姪陳善恭正德十年
九月內送監讀書

太子少保兵部尚書王敞下姪王企正德十年
九月內送監讀書

都察院右副都御史張淳下男張相正德十年

九月內送監讀書

都察院右都御史熊繡下孫男熊瑞正德十年十月內送監讀書

南京兵部右侍郎陳壽下孫男陳士元正德十年十月內送監讀書

都察院右副都御史安惟學陣亡男安弘嗣正德十年十一月內送監讀書

南京都察院右都御史洪遠下男洪价正德十一年正月內送監讀書

戶部左侍郎李溫下孫男李岑先年送監讀書故姪李儼正德十一年二月內送廕

工部左侍郎俞林下男俞忠民正德十一年二月內送監讀書

都察院右副都御史張貫下孫男張邦俊正德十一年三月內送監讀書

兵部左侍郎陳玉下男陳繼宗正德十一年三月內送監讀書

禮部尚書張駿下男張明憲先年送監讀書故

男張明相正德十一年三月內補廕

禮部右侍郎薩琦下男薩嗣興先年送監讀書

故薩世榮正德十一年四月內補廕

吏部右侍郎王鴻儒下男王可正德十一年五

月內送監讀書

南京工部右侍郎崔文奎下男崔紹先正德十

一年六月內送監讀書

南京工部右侍郎沈暉下男沈說先年送監讀

書故姪沈紹正德十一年六月內補廕

南京禮部右侍郎楊廉下男楊放正德十一年

七月內送監讀書

禮部尚書徐瓊下男徐賢先年送監讀書故孫

徐高明正德十一年七月內補廕

都察院右副都御史王憲下男王汝成正德十

一年七月內送監讀書

吏部尚書孫需下男孫曉正德十一年七月內

送監讀書

都察院右副都御史邊憲下男邊偁正德十一

年十月內送監讀書

刑部右侍郎楊茂元下男楊美弁正德十年十月內送監讀書

兵部尚書項忠下男項經先年送監讀書中進士孫項鎧正德十一年十月內補廕

南京都察院右副都御史趙鑑下男趙岳正德十一年十月內送監讀書

太子太保戶部尚書石玠下男石練正德十一年十一月內送監讀書

南京工部尚書張憲下男張珂先年送監讀書中舉人次男張珩正德十一年十一月內補廕都察院右副都御史金獻民下男金帛正德十二年二月內送監讀書

吏部左侍郎毛澄下男毛希元正德十二年二月內送監讀書

工部左侍郎崔巖下男崔士廉正德十二年二月內送監讀書

禮部左侍郎石珪下男石組正德十二年三月

內送監讀書

太子太保都察院左都御史彭澤下男彭楮正德十二年四月內送監讀書

刑部右侍郎馮清下男馮樹正德十二年四月內送監讀書

南京戶部尚書李翰下孫男李希夔正德十二年四月內送監讀書

南京兵部右侍郎王倬下孫男王世德正德十二年五月內送監讀書

都察院右副都御史蕭紳下男蕭世功正德十二年八月內送監讀書

南京刑部右侍郎藍璋下男藍因正德十二年十一月內送監讀書

南京都察院右副都御史表愷下男表克忠先年送監讀書故曾孫表汝霖正德十二年十二月內送監補廕

都察院右副都御史白圻下男白說正德十二年十二月內送監讀書

光祿寺卿馮蘭下男馮脩正德十二年十二月
內送監讀書

提督四夷館太常寺卿沈冬魁下男沈汝蘭正
德十二年十二月內送監讀書

南京戶部右侍郎蔣昇下男蔣履端正德十三
年正月內改授廕敘監生

南京大理寺卿任漢下男任采正德十三年正
月內送監讀書

都察院右副都御史秦金下男秦泮正德十三
年三月內送監讀書

太子太保兵部尚書劉大夏下孫男劉如愚正
德十三年四月內送監讀書

都察院右副都御史陳舜下男陳詩正德十三
年五月內送監讀書

工部右侍郎趙璜下男趙澍正德十三年七月
內送監讀書

南京工部尚書黃珂下孫男黃若槐正德十三
年八月內送監讀書

都察院右副都御史張淮下男張珩先年送監讀書故孫張景憲正德十三年九月內補廕

南京太常寺卿張芮下男張沂甫正德十三年十二月內送監讀書

兵部右侍郎王憲下男王汝成先年送監讀書

改廕百戶次男王汝忠正德十三年十一月內

補廕

都察院右副都御史黃瓚下男黃襄正德十四年三月內送監讀書

南京工部尚書劉宣下男劉秉常先年送監讀

書中舉孫劉甫正德十四年五月內補廕

刑部右侍郎胡韶下男胡岱正德十四年五月

內送監讀書

南京刑部右侍郎熊懷下男熊輔先年送監讀書故孫男熊諭正德十四年七月內補廕

禮部左侍郎王瓚下男王佺正德十四年十月

內送監讀書

都察院右副都御史臧鳳下男臧紹祖正德十

五年七月內送監讀書

禮部右侍郎顧清下男顧應陽正德十五年六月內送監讀書

南京吏部尚書劉春下男劉延年正德十六年二月內送監讀書

都察院左副都御史劉達下姪劉寓正德十六年二月內送監讀書

都察院右副都御史顏頤壽下男顏鸞正德十六年五月內送監讀書

戶部右侍郎李充嗣下男李松正德十六年五月內送監讀書

吏部右侍郎羅下男羅翊正德十六年五月內送監讀書

都察院右副都御史龔弘下孫龔世美正德十六年五月內送監讀書

南京刑部右侍郎王縝下男王弘久正德十六年五月內送監讀書

都察院右副都御史蔣恭下男蔣弘仁正德十六年五月內送監讀書

六年五月內送監讀書

都察院右副都御史鄭陽下男鄭渭正德十六年六月內送監讀書

工部右侍郎陳雍下孫陳孟熙正德十六年六月內送監讀書

兵部右侍郎楊廷儀下男楊慥正德十六年七月內送監讀書

都察院左副都御史李瓚下男李廷桂正德十六年八月內送監讀書

少保兼太子太保戶部尚書武英殿大學士毛紀下男毛集正德十六年八月內送監讀書

少保兼太子太保吏部尚書臣楊臣等謹

題為申明舊例以重

恩典事驗封清吏司案呈竊惟賞延于世虞廷厚典仕者世祿文王善政我

太祖高皇帝制為諸司職掌因品秩之崇卑為廕敘之命數蓋模倣虞周之遺意而定一代之成規待臣之禮可謂厚矣然歷年漸久百僚日

增勢有難行一槩停止大臣子孫間有廕授者皆出自

特恩成化三年國子助教李伸弘治十年給事中葉紳各先後建言下多官會議參之

國法酌之時宜兩京堂上三品以上曾經考滿者許令一子送監讀書雖至三品而未經考滿者皆不得與其餘各項廕敘俱有條格既不失於

國禮之仁又稍存裁制之義可以永遠遵行不知起自何年必待其陳乞而後與間有不乞者則終身不得近該吏科都給事中楊禔等題稱要將三品以上三年考滿到部者斟酌本官政蹟疏其應該錄廕與否取自

上裁不許自行陳乞其被劾得實去職又一應年遠違例妄援者將具奏之人參問治罪等因該本部查照先年事例覆奏已奉有

成命續該禮部因論廕敘原屬儀部掌行遂以陳乞何害爲辭又題奉

聖旨是只照舊例行欽此前項事宜兩奉
欽依亦惟復

祖宗之舊而未嘗明許臣下之乞也但欲廢者
心既惑於兩端奉法者見未持平一定遂致陳
乞之風仍於往昔且陳乞非一途援引非一例
如廢子未沾一命而死者例許補廢一人而由
科目出身者例無該載近日有補廢之子又故
而又乞補者有廢子科目出身而再乞廢者正
德元年

恩例

東宮講讀三年的廢一子送中書科習字出身
未及三年的送國子監讀書皆係身後之事而
侍班等官則有未及近日有講讀官生前為子
乞恩者有侍班官援引講讀事例乞請者弘治
十年禮部題奉

欽依各項廢敘在今定例前及一應年遠者不
許一槩陳乞近日天順成化年間大臣子孫亦
來奏擾章疏紛紜煩瀆

聖聽蓋當緣可以干

恩勢力足以撓法故觀望者聞風而起應合呈
乞議處奏

請申明著爲定例等因案呈到部爲照臣之盡
忠所以報國而未嘗爲子孫之謀君之有廢所
以酬功而未嘗立陳乞之訓故古昔盛時世祿
世官念其功而錄其後上賜之而不以爲恩下
領之而不以爲幸授受之間兩當之而無過也
我

朝廢敘備載於諸司職掌一書而斟酌損益於
節年

欽依條例臣等參詳職掌條例所載無陳乞之
訓則

恩出於

上而不待於乞也明矣况廢敘以報功自

君上與之則爲恩自臣下乞之則爲耻當加恩
而顧以爲耻固非率下之美事抑豈垂後之懿
典哉他如例所不載及違例干請者不可枚數

得之者以爲私恩不得者多生怨望若不查革歸正恐末流之弊有不可勝言者該司所呈不爲無見合無今後各項廕敘

恩典悉遵

祖宗舊制及

會典所載

累朝欽定事例施行三品以上京堂三年考滿

已經請給

誥命者本部即與查取應廕一子題

准咨送禮部轉送國子監讀書免其自行陳乞未經考滿者已有前例不復再議廕子未仕而故者止許補廕一人補廕之子又故不許再補其有先由錄廕而後中科目出身者之階雖異承廕之人尚存箕裘不墜比與病故者不同似難再廕

東宮講讀聽其身後子孫自陳本部查其勞淺深照例廕敘生前不許爲子乞恩侍班官雖無

講讀之功但既蒙

簡充侍從亦與有勞合無量加斟酌侍班三年者廕一子爲國子生未及三年者不許授川平請以上各項廕典間有近年例外之補偶出特恩不許指以爲例其在弘治十年以前或原來有廕成已廕病故者不許濫陳候

命下之後敢有違例奏擾者聽該科及本部劾奏治罪其有已故升致仕大臣未曾陳乞者本部通行查出照例行取一子奏

請廕授以勵恬退以敦常典庶


恩自上流而庶眾之俗興法由下守而夤緣之弊息緣係申明舊例以重

恩典事理未敢擅便謹題請

旨

正德八年十二月二十三日具題本月二十六日奉

聖旨是先由錄廕後中科目的還許他補廕一人入監其餘俱依擬行



Vertical text on the right edge of the page, possibly a page number or a small inscription.

